

## 2. Jakobus 1:19-27

### **VERWELKOMING:**

**5 MIN**

### **YSBREKER:**

**20 MIN**

- Hoe en wanneer lees jy Bybel? Hoekom so?
- Wat dink jy is die grootste gevaar vir gelowiges in ons samelewing?

### **AANBIDDING:**

**5 MIN**

In ons gejaagde lewe van vandag kry ons so min kans om net stil te word en na die Here te luister. Gee nou 3 minute van stilte daarvoor. Deel met mekaar na die tyd julle gewaarwordinge.

### **BYBELSTUDIE:**

**35 MIN**

Lees Jakobus 1:19-27. Laat elkeen in die groep een vers hardop lees.

- Laat elkeen sê wat hom/haar in hierdie gedeelte getref het.
- Waarom is dit beter om te luister as om gou te praat?
- Waarom sê Jakobus dat jy nie "te gou" kwaad moet word nie? Wanneer sou dit reg wees om kwaad te word?
- Wat sou voor God reg wees om te doen as jy kwaad is?
- Wat is die regte dinge om vandag oor kwaad te word en wat is die regte om daaraan te doen?
- Hoe verskil die persoon in vers 22-24 van die een in vers 25? Watter een is jy?
- Hoekom het ons vandag soveel "gelowiges" wat hoor wat die Woord sê, maar dit nie doen nie? Wat kan gedoen word om dit te verander?
- Hoekom is jou godsdienst waardeloos as jy nie jou tong in toom hou nie (vers 26)?
- Hoe kan julle weeskinders en weduwees by staan?
- Hoe kan jy jou hierdie week skoon hou van die besmetting van die wêreld?

### **GETUIG:**

**5 MIN**

Die Engelse woord vir getuig is "*witness*" en kom van 'n Ou Engelse woord wat beteken:

*"attestation of fact, event, etc., from personal knowledge"*

Hoe sou dit betrekking hê op getuig vir jou geloof?

### **DIENSWERK:**

**5 MIN**

Bespreek julle dienswerk aan mekaar in die kleingroep?

### **GEBEDSRIGLYN:**

**10 MIN**

Gee vir elkeen 'n stukkie papier. Deel dan met mekaar waarvoor jy dankbaar is in jou lewe. Laat elkeen minstens 10 dinge opnoem en neerskryf. Gee dan geleentheid vir elkeen om in stilte vir die Here daarvoor dankie te sê.

**ADMINISTRASIE:**

**5 MIN**

---